

OSO DSA

Izveštaj aktivnosti za proteklu 2016 godinu

U protekloj 2016. godini Osnovna Sindikalna Organizacija Direkcije Sarajevo OSO DSA je provela niz aktivnosti, akcija solidarnosti i određenih vrsta pomoći za svoje članove.

Kao i proteklih godina na kraju kalendarske 2015. godine članovi odbora su uzeli učešće u organizaciji podijele besplatnih novogodišnjih paketića za djecu naših radnika a ujedno članova sindikata, za Novu 2016. godinu. Podjela je protekla uz prigodnu svečanost i predstavu za najmlađe. Omogućena je podjela paketića i za drugu djecu koja su se prijavila uz određenu naplatu.

Takođe krajem ove 2016. Godine biće organizovana proslava za Novu 2017. Godinu, uz prigodnu predstavu za djecu i podjelu paketića.

Članovi odbora OSO DSA su u mjesecu martu organizovali proslavu za 8.Mart Dana žena, te smo uz druženje sa našim radnim kolegicama uručili simbolične prigodne poklone za njihov praznik.

Kao i svake godine članovi odbora OSO DSA su aktivno učestvovali na pripremi organizacije tradicionalnog pohoda Marš mira „Srebrenica 2016“. Pored organizacije i obezbjeđivanja uslova za smještaj, ishranu i sigurnost, te markiranje staze za učesnike, aktivno su uzeli učešće i pješaćenjem od zgrade BH Telecoma na Dolac Malta do mjesta Potočari i prisustvovali završnoj manifestaciji.

Nekoliko članova odbora OSO DSA su učestvovali na prikupljanju pomoći za materijalno ugroženu djecu u mjestu Kolibe u blizini Bosanskog Broda. Uz aktivno učešće i prisustvo članova JOB Direkcija Sarajevo izvršili su predaju obuće i odjeće za djecu pomenutog naselja.

Na našu i radost svih članova OSO DSA brzim i adekvatnim reagovanje obezbijedili smo uslove za hitne operacije naših teško oboljelih kolega i pomogli da uz operativne zahvate budu ponovo sa nama.

OSO DSA je kroz razne aktivnosti i komisije koje djeluju u njenom sastavu zastupala svoje članove da lakše dođu do svojih prava i raznih vidova pomoći.

Komisije OSO DSA su svojim angažovanjem obezbijedile pomoć i podršku u zastupanju radnika protiv kojih su se vodili određeni postupci, omogućili kupovinu na rate i podstakli da na što lakši način savladavaju svoje životne probleme, kroz kreditiranje pomoću kase uzajamne pomoći na veoma povoljan način, lijčenje kroz jednokratne pomoći, kupovinu lijekova i obavljanje pregleda, razne vrste materijalnih pomoći za teško bolesne članove i njihove obitelji....(detaljnije izvještaje pogledajte u rubrikama pojedinih komisija).

Kroz djelovanje u OSO DSA pokušali smo i stalno pokušavamo ostvariti što bolju saradnju i kontakt sa članovima CO SBHT. Pozivali smo na razne inicijative (između ostalog da se kroz dijalog sa Upravom Društva obezbijede što bolji uslovi za rad i poslovanje, kupovina kvalitetne terminalne opreme za nesmetan rad i što bolje prilagođavanje tržištu rada, povećanje postotka ličnog dohotka za radnike raznih zanimanja koji najviše vremena provode na terenu, pomoć u promjeni radnog mjesta za teže oboljele radnike itd) dogovore i sastanke sa sada već bivšim predsjednikom SBHT Samir Ibrulj

da zajedničkim djelovanjem dođemo do što boljeg i kvalitetnijeg zastupanja svakog radnika i člana sindikata.

Ipak nismo naišli na razumjevanje istih, a činjenica da za vrijeme svog mandata predsjednik nikada nije htio obići OSO DSA i ako mu je po statutu to dužnost uraditi u svakoj OSO najmanje jednom godišnje. Treba naglasiti da naši predstavnici za svoj rad u CO SBHT nisu željeli uzeti redovna primanja na položajima koji su obavljali kao zamjenik predsjednika i članovi odbora. Zbog ovakvih razmišljanja i postupaka a za nas ostale članove odbora OSO DSA jedino mogućih izvršena je smjena zamjenika predsjednika CO SBHT sa obrazloženjem da stalno minira rad predsjednika i ostalih članova odbora.

Pred kraj ove kalendarske godine izabran je novi predsjednik SBHT Fikret Alić kojem smo uz priznanje čestitali na novoj funkciji u nadi da ćemo bolje surađivati i biti obaviješteni o svim aktivnostima i postupcima prilikom pregovora članova a naših predstavnika CO SBHT za novi granski kolektivni ugovor GKU. I ako dolaze možda i najteža vremena za nas radnike članove sindikata još nemamo nikakvih informacija o daljem načinu pregovora-dogovora oko potpisivanja GKU. Na pismeni zahtjev OSO DSA da nam se odgovori šta je to i kako do sada dogovoreno dobili smo odgovor od predsjednika CO SBHT da će sve OSO biti na vrijeme obaviještene. Budući da se pregovori moraju vrlo brzo završiti potpisom GKU koji slijedi bojimo se da nam informacije na samom kraju pregovora neće biti ni od kakve koristi i da niko od naših a i ostalih članova CO SBHT neće moći reagovati na bilo koji način da zaustavi nekvalitetan i po radnike štetan GKU koji slijedi. Nakon svega ne želeći da bilo koga unaprijed prozovemo ili optužimo moramo reći da za posljedice takvog štetnog ugovora odgovornost moraju snositi članovi CO SBHT koji pregovaraju u ime svih radnika i članova sindikata BH TELECOM DD (imenom i prezimenom).

Na kraju poštovanim članovima sindikata OSO DSA i njihovim najužim članovima obitelji želimo mnogo sreće, zdravlja i veselja u Novoj 2017 godini.

S poštovanjem !

OSO DSA